



अध्याय 5


छाप खोन छाबा हाबिच्

नोआ अध्यायरे आमदो छाप से मोहोर रेयाक् गोड़होन, ओना रेयाक् जोस आर हुनार रेयाक् गुन बाबोतेम बाडाय। नागाम छाप रेयाक् पारतुल खोन उतनाउकाते, आमदो आपनाराक् छाप बेनावमे आर ओना छाबाय लागित् आयमा लेकान सामागिरी बेवहारमे। नोआ होरारे आम आमाक् छाप, कागोज आर किचरीच् बानाररे बिडाउमे। आमदो नोआ होरा 'अजरख' ठप्पा



0680CH05

छपाई (ब्लॉक प्रिंट) रेयाक् किचरीच् परंपरा खोन हों जोनोडाव कातेम जेल दाड़ेयाक्आ। आमाक् आपनाराक् छाप बेवहार काते आमदो कागोज, किचरीच् आर एटाक् सतहरे आमाक् प्रिंट बेनाव लागित् रोचावानाक् सोमान गोड़होनेम बेनाव दाड़ेयाक्आ!





कामीहोरा 1: देला, मोहोरबोन ठेला चेका

आमदो आमरेन माचेत, इस्कूलरेन माराड माचेत से आमाक् इस्कूल रेयाक् ऑफिसरे जाहाँय मोहोर आर रबर स्टाम्प बेवहारेम जेलाकात् कोआ?


मोहोर लागावाक् जाहाँन कागोज से डॉक्यूमेण्ट जेल लागित् आमरेन माचेताक् गोडो हातावमे। नोआको कुकली बाबोत गालमारावमे-

1. मोहोररे चेत् रेयाक् चितार से ओल मेनाक्आ?
2. मोहोरदो चेत् ए सोदोरेत् काना?
3. मोहोर रेयाक् बेवहार चेत् लागित् होयोक्आ?

मोहोररे चितार, चिनहा आर ओल एमान होय दाड्याक्आ। ओनादो आबो सोमाज, होड, पोन्नोत, सोस्था आर गाँवता रेयाक् जिबोन, दिनाम काक्मी, सोमाजिक ओबोस्ता आर पातियाड बाबोत ए इसाराबोना।

मोहोररे बेनावाकान चितार आर चिनहा जेलमे। ओना धेयानते जेलमे। ओना जुडीयमे। गालमारावमे जे मोहोर रेयाक् चिनहा चेत् ए सोदोरेत् काना?

धेयानाक्मे जे नोआको सानाम मोहोररे आयमा लिपिते जाहाँनाक् ओल साँव मित्टेन चितार चिनहा हों मेनाक्आ।



आयमा नागामिया ओकते-हाटिज रेयाक् मोहोरको



कामीहोरा 2: टोठा रेयाक् सोफोर

आमाक् स्थानीय डाक ओड़क्ते चालाक्मे। ओण डे पोस्टमास्टर से जाहाँय एटाक् नोडकान डाक ऑफिसर साँव जापाममे, जाहाँय दो आम डाक सेवारे बेवहारोक् मोहोर आर टिकिट ए उदुक् दाड़याम। लाताररे एमानाक् रेतोलासमे आर नोट ओलमे-

1. स्टाम्प से मोहोरे बेवहारोक् सामागिरी।
2. डाक सेवा रेयाक् छाबा चिनहा।
3. मोहोरे एमानाकन एटाक् जाहाँन बानाडाय।

जारी दोहोयमे: आमाक् घारोञ्जरेन हाड़ाम-बुड़ही होड़को साँव गालमारावमे आर ओनको नोडकान डॉक्यूमेण्ट से डाक लिफाला कोयकोम जाहाँरे जाहाँन मोहोर लागाव मेनाक्आ। मोहोर रेयाक् बिबोरोनरे धेयान एमावाक्मे आर जाहाँ छाबा आर ओल आमेम जामा, ओना बाबोत नोट ओलमे से ओना रेयाक् चितार बेनावमे।

बेवहार: जाहाँटाक् सिक्का हातावमे। ओना चेतानरे मित्टेन कागोज दोहोयमे। पेंसिल बेवहारकाते, सिक्का चेतानरे दोहोवाकान कागोज रेयाक् सतहरे उन हाबिच् पेंसिल चालावमे जोखोन हाबिच् सिक्का रेयाक् चितार बाड जेल जामोक्आ।

कामीहोरा 3: आमाक् मोहोर आपनारते बेनावमे

नित हाबिच् आमदो मोहोर रेयाक् बिसेसता आर जोस खोनेम पाछनावेना। चेका नित आमदो आमाक् मोहोरेम बेनावा?

सानाम खोन लाहा आमदो मोहोर रेयाक् थापना से गोड़होन खोन एतोहोबमे। मित्टेन कागोज आर पेंसिल हातावमे आर आमाक् हुदिस लेकाते एतोहोप् चितार बेनावमे।

स्टेप 1- ळामाकात् जिनिसको साँव बेवहारमे

- थोड़ागान हासा बाडखान आटा तेयारमे।
- जाहाँन हुडिज जिनिस, जेलेका- बटन, बोतोल रेयाक् ढाकना, छोड़, साकाम, सिक्का एमान जारवायमे।
- आमाक् हासा रेयाक् सतह लाबित्काते चिकाँडमे।
- आमेम जारवावाकात् जिनिसको तेयाराकात् सतहरे दोहोकाते ओतायमे आर जेलमे जे चेका ओनाते चिनहा बेनावोक्काना?
- तोलासमे जे ओकाटाक् जिनिस साफा-साफा चिनहाय बेनावेदा आर चेदाक्?

विद्यया ऽ मृतमश्नुते

एन सी ई आर टी
NCERT

मूल लोगो रेयाक् मित् पारतुल

स्टेप 2- मोहोर रेयाक् बेनावतेत्

- सानाम खोन लाहा आपनाराक् छाबा तेयारमे। नोआदो मित् साधारोन चितार होय दाड़ेयाक्आ, जाहाँदो आम ए आनायुरमे- मित् मेंतहाँ गोड़होन, साकाम, बाहा, जो, जिनिस, जानवार, आखोर, चिनहा एमान। नोआ दो आमाक् गोनोंडकोय सोदोर दाड़ेयाक् बाङखान आमाक् गुनकोय उदुक् दाड़ेयाक्।
- आमाक् गोड़होन (डिजाइन) आलगा दोहोयमे।

स्टेप 3- आमाक् मोहोर बेनावमे

- मोहोर बेक्नाव लागित् बेवहारोक् लाकतीयानाक् सामागिरी जारवायमे, जेलेका आमदो जाहाँन मोहोर कोरेम जेलाकादा।

- इस्कुलरे आलगाते जामोक् एटाक् बेबोस्ता बाबोत हुदिसमे। पारतुल लेकाते- हासा, कार्डबोर्ड, जूट रेयाक् बाबेर, स्पंज, रबर एमान रेयाक् बेवहार होय दाड़ेयाक्आ।
- आम जाहाँ सामागिरी रेयाक्एम बेवहारा ओना रेयाक् सतह चिकोँडमे। दिसा दोहोयमे जे मोहोर रेयाक् चिनहा तोबेगे साफा जेलोक्आ जोखोन ओना डिजाइन (विन्यास) रेयाक् सानाम हिसा चिकोँड ताहेना।
- नोडकान सापाप् बाछावमे, जाहाँदो आम गेद लागित्, छाटाव लागित् आर आपनार डिजाइन (विन्यास) आकार एमावाक् लागित् रुखिया लेकाते बेवहार होय दाड़ेयाक्।
- जुदी आमेम बुजहावेदा जे आमाक् डिजाइन छाटाव मुसकिल गया, तोबे ओना आलगा बेनावमे आर आमाक् डिजाइन पुराउमे।



ओलोक् गिदरा कोवाक् मोहोर बेक्नाव आर ओना छाबाय रेयाक् बेवहार



स्टेप 4- आमाक् मोहोर बिडाउमे

- आमाक् मोहोर लागाव लागित सामागिरी से सतह बाछावमे, जाहाँर मोहोर लागाव होयोक्आ। जुदी आमाक् मोहोर गोल गया आर बाड सोमाना, तोबे आमदो ओना लोहोत् हासा बाडखान आटारेम दाबाव दाड्याक्आ, जेलेका पाहिल बिडाउरे जिनिसको साँवेम काक्मी लेदा।
- जुदी आमाक् मोहोर सोमान गया, तोबे ओनारे रोड बाडखान काली लागावकाते जाहाँन कागोजरे छाबायमे।
- फोलोन लेकाते, आमदो आमाक् मोहोर रेयाक् डिजाइनरे उन हाबिच् एम बोनोंदोल आर सुधराउ दाड्याक्आ, जोखोन हाबिच् आमदो आमाक् कुसीलेकान फोलोन बाम जामा।



कामीहोरा 4: छाबा

नित दो आमठेन नोडकान मोहोर मेनाक्आ, जाहाँ रेयाक् बेवहार आयमा धाव होय दाड्याक्आ! स्टाम्प पैडरे काली लागाव ताहेंना। जोखोन आबो दो मोहोर स्टाम्प पैडरेबोन दाबावा, ओनारे काली लागावेनगे, ओना दाबावकाते कागोजरे चिनहा लागावोक्आ।

नोडकान होरागे आयमा बेगार-बेगार पारंपरिक कामी-होरारेबोन जेल दाड्याक्आ। मा, तीते होयोक् छाबा रेयाक् कामी-होराबोन जेला, चेदाक् जे नोआ रबर स्टाम्प आर आम होतेते बेनावाकात् मोहोर खोन आयमा मिलावोक्आ।

नोआ दो मित् लिखोन-गोड़होन काट रेयाक् ठप्पा से ब्लॉक काना। नित दो ओना हाटिजरे धेयान एमावाक्मे, जाहाँर सोमान गोड़होन (पैटर्न) राकाप् मेनाक्आ। नोआ ब्लॉक दो काटरे गोड़होन राकाप्इच् हुनारिया सोन्तोरतेय छाटावा। चेका आम आडेपासे काट मिस्त्री आर काटरे गोड़होन बेक्नावको हुनारिया मेनाक् कोआ?

ओनको साँव जापाममे, नोआ चितार उदुक्आकोमे आर कुलीकोम जे नोडकानाक् डिजाइन चेतलेकाको राकाप् एदा। ओनको कुलीकोम जे ओकाटाक् सापाप् बेवहाररे हिजुक् काना आर नोआ दो तीते राकाप्रे तिनाक् ओकते लागावोक्आ। नोआ काट ठप्पा रेयाक् बेवहार, किचरीच् रे छाबा लागित होयोक् काना। नोआ किचरीच् दो 'हैड ब्लॉक प्रिंटेड टेक्सटाइल' को मेतावाक्आ।

तीते ठप्पा रेयाक् छाबायेत्कान चितार जेलमे आर काली रेयाक् ठप्पा दो किचरीच् चेतानरे सोन्तोरते दोहोयमे। मित्तेन ठप्पा रेयाक् बेवहार सोमान गोड़होन बेनाव लागित आयमा धाव होय दाड्याक्आ। उनी दो 'अजरख' जुतुमान मित् बिसेस किचरीच् ए बेनावेत् काना, जाहाँ दो गुजरात रेयाक् कच्छरे चोलोनरे मेनाक्आ।

चेका आमेम बुजहावेदा जे आमदो आमाक् मोहोरते जाहाँन सोमान गोड़होन (पैटर्न) एम बेनाव दाड्याक्आ? आमदो आरहों मित्तेन मोहोरमे बेनाव दाड्याक्आ, जाहाँ दो चालाक् तेगे ताहेंन सोमान गोड़होन (पैटर्न) लागित गानोक्। थोड़ा डिजाइन बेनावमे आर ओना बेवहारकाते जेलमे।